



**Auctarium. Sive Additiones Ad Viri Clarissimi Henr. Zoesii  
J.V.D. Universum Jus Canonicum**

**Geismar, Justus Moritz von  
Coloniæ Agrippinæ, 1691**

Ad tit. 5. de Magist & ne aliq. &

---

[urn:nbn:de:hbz:466:1-62259](#)

Consuetudo, ut pro Episcopis, Abbatibus, vel aliis prælatis in sedem ponendis, seu exequis mortuorum aliquid exigatur, observanda non est. Gonz ad cap. cum in Ecclesia 8.b.t.

Ad num. 40. in fine adde. Obtinens beneficium simoniacè pretio interveniente, ab eo removeri debet. Gonz. ad cap. ex diligenzi. 16.b.t. Fagnanus.

Ad num. 46. Busenb. lib. 4.c.2. dub. 1. art. 6. Pensio est jus percipiendi fructus ex alieno beneficio. Estque triplex. 1. Temporalis, quæ datur propter ministerium spirituale, v.g. Cantori, ædito. 2. Spiritualis, quæ fundatur in titulo merè spirituali, ut quæ datur Concionatori, Coadjutori Episcopi. 3. Media quæ fundatur in statu spirituali, nō ramen officio spirituali, ut quæ datur Clerico pauperi, vel Parochi seni ad sustentationem, vel quæ datur causa resignationis, vel litis componenda. Duæ posteriores dicuntur Clericales, quia Clericis; prima laicalis, quia laicis tantum datur.

Ad num. 86. in fine adde. Simonia adæquatè in mentalem, conventionalem & realem dividitur, non tanquam genus in diversas species, sed tanquam subiectū in diuersos modos seu status.

#### A D T I T. V.

*De Magistris, & ne aliquid exigatur pro licentia docendi.*

Ad num. 1. in fine adde. Vel licentia docendi Theologiam provenit

à Rege, vel potestate sacerulari, & tunc vendens eam, non simoniam, sed turpe lucrum committeret. Vel provenit à potestate spiritualis jurisdictionis, scilicet si Prælatus alicui concedat docendi licentiam, & tunc esset simoniacus, non propter spiritualitatem rei vendita, sed actionis ipsius seculicentia, quæ à potestate spirituali provenit. Sicut si Judex Ecclesiasticus venderet Sacerdoti facultatem exercendi officium. Advocati propter abusum spiritualis jurisdictionis. Et in hoc sensu inquit, prohibetur tanquam simoniacum & contra illud: *Gratis accepisti in cap. 2. de Magistris.*

#### A D T I T. VI.

*De Iudeis & Saracenis.*

Ad num. 1. Observa ex Busenb. lib. 2. tr. 1. c. 4. dub. 1. Infidelitas generaliter est triplex. Prima *negativa* eorum scilicet, qui nihil unquam de fide audierunt, quæ non tam est peccatum, quam pena peccati. Quia si fecissent, quod in ipsis erat, DEUS fidem eis non abscondisset. Secunda dicitur *contraria* eorum, qui fidem sibi sufficienter propositam vel contemnunt, vel ei contradicunt pertinaciter ut heretici. Tertia *privativa*, quod privativè opponatur fidei, & est culpabilis ignorantia, vel error circa res fidei. Contraria est paganismus, judaismus & hæresis, quo refertur Apostasia.

Judeus Christianum mancipium retinere non debet, sed cogitur justo pretio Christianis vendere, & si renuat, servus